

Agencija za rad i zapošljavanje Bosne i Hercegovine, Federalni zavod za zapošljavanje, JU Zavod za zapošljavanje Republike Srpske i Zavod za zapošljavanje Brčko Distrikta BiH u cilju efikasne primjene Dogovora o posredovanju pri zapošljavanju radnika iz Bosne i Hercegovine u SR Njemačkoj na određeno vrijeme, zaključenog između Agencije za rad i zapošljavanje Bosne i Hercegovine i Savezne agencije za rad SR Njemačke - Centralnog ureda za posredovanje u međunarodnom i stručnom zapošljavanju (ZAV), zaključuju

**OPERATIVNI PROTOKOL
ZA SPROVOĐENJE
DOGOVORA O POSREDOVANJU PRI ZAPOSŁJAVANJU RADNIKA IZ BOSNE I
HERCEGOVINE U SAVEZNOJ REPUBLICI NJEMAČKOJ NA ODREĐENO VRIJEME**

Član 1.

Operativni protokol za sprovođenje Dogovora o posredovanju pri zapošljavanju radnika iz Bosne i Hercegovine u SR Njemačkoj na određeno vrijeme (u daljem tekstu: Operativni protokol) će sprovoditi Agencija za rad i zapošljavanje Bosne i Hercegovine u koordinaciji sa Federalnim zavodom za zapošljavanje, JU Zavodom za zapošljavanje Republike Srpske i Zavodom za zapošljavanje Brčko Distrikta BiH.

Član 2.

Javni poziv za zapošljavanje – oglas za slobodna radna mjesta u SR Njemačkoj će oglasiti Agencija za rad i zapošljavanje Bosne i Hercegovine u koordinaciji sa Federalnim zavodom za zapošljavanje, JU Zavodom za zapošljavanje Republike Srpske i Zavodom za zapošljavanje Brčko Distrikta BiH na web portalima i na oglasnim pločama svih službi za zapošljavanje u Bosni i Hercegovini.

Javni poziv će sadržavati unificirani obrazac za prijavu i obrazac biografije na njemačkom jeziku.

Član 3.

Uslovi zapošljavanja radnika iz Bosne i Hercegovine će biti detaljno precizirani u Javnom pozivu, koji je prilog ovog Operativnog protokola.

Član 4.

Javni poziv koji oglasi Agencija i zavodi za zapošljavanje entiteta i Brčko Distrikta BiH će biti otvoren do dana naznačenog u Javnom pozivu.

Član 5.

Kantonalne službe za zapošljavanje u Federaciji BiH, Filijale u Republici Srpskoj i biroi u Brčko Distriktu BiH će podnesene prijave po Javnom pozivu pregledati i selektirati u skladu sa traženim uslovima iz Javnog poziva, te prijave sa potpunom potrebnom dokumentacijom uz popunjen obrazac ARZ-1, koji je u prilogu Operativnog protokola, dostaviti Federalnom zavodu za zapošljavanje, JU Zavodu za zapošljavanje Republike Srpske i Zavodu za zapošljavanje Brčko Distrikta BiH u roku od tri radna dana od dana završetka Javnog poziva.

Član 6.

Prikupljene prijave sa dokumentima će se grupisati na četiri lokacije na kojima će biti obavljeni intervjui, i to:

- Sarajevo (pripada Filijala Istočno Sarajevo, Kanton Sarajevo, Srednje-bosanski kanton, Bosansko-podrinjski kanton, Zeničko-dobojski kanton);
- Mostar (pripada Filijala Trebinje, Hercegovačko-neretvanski kanton, Zapadnohercegovački kanton, Kanton 10);
- Banja Luka (pripada Filijala Banja Luka, Filijala Prijedor, Unsko-sanski kanton);
- Tuzla (pripada Filijala Doboj, Filijala Bijeljina, Tuzlanski kanton, Posavski kanton i Brčko Distrikt BiH)

Član 7.

Prijave sa potpunom potrebnom dokumentacijom sortirane prema planiranom mjestu intervjua, zajedno sa popunjenim Obrascem ARZ-1, zavodi entiteta i Brčko Distrikta BiH će dostaviti Agenciji za rad i zapošljavanje Bosne i Hercegovine u roku od dva dana od dana prijema.

Član 8.

Agencija za rad i zapošljavanje Bosne i Hercegovine će nakon dobijanja prijava i popunjenih obrazaca ARZ-1 obavijestiti Saveznu agenciju za rad SR Njemačke – Centralni ured za posredovanje u međunarodnom i stručnom zapošljavanju (ZAV) u roku od dva dana.

Član 9

O tačnim terminima i mjestima obavljanja intervjua od strane predstavnika Savezne agencije za rad SR Njemačke, Agencija za rad i zapošljavanje Bosne i Hercegovine će, u koordinaciji sa zavodima za zapošljavanje entiteta i Brčko Distrikta BiH, obavijestiti prijavljene kandidate.

Član 10.

O rezultatima odabira kandidata za rad u SR Njemačkoj, koji će izvršiti predstavnici Savezne agencije za rad SR Njemačke, kandidati će biti obavješteni u najkraćem roku, s tim da će odabrani kandidati biti u obavezi dostaviti dodatnu dokumentaciju.

Član 11.

Kontakt osobe za provođenje koordinacije po ovom Operativnom protokolu su:

1. Ispred Agencije za rad i zapošljavanje Bosne i Hercegovine:

Samir Zuko

Tel: 033/550-295

e-mail: samir.zuko@arz.gov.ba

2. Ispred Federalnog zavoda za zapošljavanje

Haris Huskić

Tel: 033/562-953

e-mail: hhuskic@fzzz.ba

3. Ispred JU Zavoda za zapošljavanje Republike Srpske:

Snežana Borovčanin

Tel: 057/227-551

e-mail: aktivnemjere@zzzrs.net

4. Ispred Zavoda za zapošljavanje Brčko Distrikta BiH

Ognjenka Spasojević

Tel: 049/217-411

e-mail: ognjenka.spasojevic@zzzbrcko.org

Član 12.

Agencija za rad i zapošljavanje Bosne i Hercegovine će sa predstavnicima Njemačkog društva za međunarodnu saradnju (GIZ) saradivati na okončanju procedure posredovanja pri zapošljavanju radnika iz Bosne i Hercegovine u SR Njemačkoj.

Agencija za rad i zapošljavanje Bosne i Hercegovine će sa Saveznom agencijom za rad SR Njemačke razmjenjivati informacije o statusu naših radnika na radu u Njemačkoj, te o tome periodično izvještavati zavode za zapošljavanje entiteta i Brčko Distrikta BiH.

Sarajevo, 15.04.2013. godine

Prilozi: ...

Agencija za rad i zapošljavanje Bosne i Hercegovine

Adnan Delić, direktor

Federalni zavod za zapošljavanje

Kenan Rešo, direktor

JU Zavod za zapošljavanje Republike Srpske

Milko Čolaković, direktor

Zavod za zapošljavanje Brčko Distrikta BiH

Mladenko Nenadić, direktor



